

T a b u l a 84.  
**OXALIS SPECIOSA.**

DECANDRIA PENTAGYNIA.

- OXALIS speciosa:** acaulis, scapo unifloro foliorum longitudine, foliis ternatis subrotundis ciliatis, stylis staminibus interioribus longioribus spec. plantar. 2. p. 779. ed. Willdenow.  
**O. speciosa:** stylis longissimis, foliolis supra immaculatis subtus sanguineis et auro punctatis, Jacq. Oxal. n. 74. p. 79. t. 60.  
**O. purpurea.** Thunb. diss. de Oxal. n. 8. 12. var. 1. a.  
**O. rigidula.** Jacq. Oxal. n. 75. p. 96. t. 59.  
Crescit in promontorio bonae spei. ☞ Colitur hyeme in frigidario, regeneratur radice subolibusque.  
**RADIX** tuberosa ovata fibrillis ramosis instructa.  
**FOLIA** radicalia longe petiolata ternata foliolis sessilibus obovato-subrotundis integerrimis venosis pilosis, superne viridibus inferne purpureis flavo punctatis.  
**PETIOLI** basi articulati teretiusculi rubicundi hirsuti.  
**PEDUNCULI** radicales uniflori adscendentes teretes hirsuti, supra basin articulati et bracteis binis subulatis instructi.  
**CALYX** pentaphyllus, foliolis oblongis acutiusculis aequalibus hirsutis.  
**COROLLA** pentapetala campanulata, petalis obovata purpurea basi flavis.  
**STAMINA** decem inaequalia. **FILAMENTA** 5. exteriora subulata glabra basi connata, interiecto dente obtuso; quinque interiora subulata exteriora duplo longiora pilis glandulosis obsita. **ANTHERAE** oblongae incumbentes.  
**GERMEN** ovatum. **STYLI** quinque filiformes pilis glandulosis tecti, staminibus interioribus longiores. **STIGMATA** virescentia plana peltata ciliata.

Planta naturali magnitudine.  
1. Genitalia aucta.